

佛說方等泥洹經卷下

澄四

新爲失譯附東晉錄

彼時佛語賢者阿難俱之拘夷邑已樂波旬
歷城中度行半道所佛疾生身皆痛止樹下
坐勑賢者阿難持鉢到拘匱河取水則受教
行是時五百乘車厲度上流水濁未清阿難

行取水還住白佛言向群車過水水濁未清
適可澡洗有熙連河去此不遠請取可飲佛
取鉢水澡面洗足於是以忍疾又得閒時諸
華大臣字福彌行遙見佛諸根寂默得上調
意定滅淨具顏色明好心歡喜前禮佛揖讓
畢一面住佛問福彌汝於何得法喜對曰由

於比丘力藍昔我行道見力藍坐樹下是時
道上五百乘車過有人後到下車問比丘見
前群車答言不見又曰寧聞車聲答言不聞
曰時卧耶言我不卧自思道耳其人歎言車
聲轟轟覺而不聞用心何專難有乃余五百
車聲尚且不聞豈他聞哉即施之以一染布

衣我時聞此甚嘉其志遂得法喜至于今日
佛問福彌汝知雷電霹靂孰與五百車聲對
曰正使千車疾馳同響猶不能暨佛言曩昔
一時吾遊阿況其日脯時天暴雨震雷霹
靂煞四特牛耕者兄弟二人人衆大聚聲亦
謹噭我定意覺彷彿經行一人來稽首作禮
隨我而步吾問是何忿忿其人言向者霹靂
然四特牛耕者兄弟二人世尊獨不聞乎吾
言不聞曰時卧耶答言不卧自三昧耳其人
亦歎言希聞得定如佛者也夫以霹靂聲聒
天地而得寂定不聞者哉其人心悅亦得法
喜福彌讚曰

遇哉覩佛者 何人不得喜 福願與時會
令我獲法利

佛答頌曰

愛法者卧安 得喜志念清 真人所說法
賢者常樂行 法護行法者 如兩之潤生
於是大臣勑其僕歸取新織成黃金綻氈手

奉獻曰知佛不用願哀納之佛受其麤爲說法之正化若干要語福漏避坐言從今日始身自歸佛身歸道法自歸聖衆受清信戒身不然不妄取不婬泆不欺僞不飲酒不噉肉無有犯國事多故當還請辭即稽首佛足遠三匝而去佛勑賢者阿難取福漏黃金織成

告

二

麤來受教奉進佛取被身阿難見佛光顏從容舒懌明好殊紫金色長跪白言自我得侍二十餘年不識有如今日佛面光潤顏色發明願聞其意佛言阿難有二因緣佛色發明何等二謂初夜得佛無上正真之道妙正覺時及至終夜棄所受餘無爲之情取滅度時

吾今夜半當般泥洹故色發明阿難啼言何其駭哉佛取泥洹何其疾哉世間眼滅

於是佛語賢者阿難至熙連河佛到河邊脫衣入水秉手舉衣自漂洗身已乃度河於彼岸住整衣服告阿難朝從弟子淳飯夜當減度汝解淳意佛從汝飯即夜減度天下有二

難得值若得遭值而供養者既解疑畏且有正報何等二一爲若施飯食令彼得以食之氣力成無上正真爲至聖佛二爲若施飯食令彼得以食之氣力棄所受餘無爲之情而滅度者今淳飯佛當得長壽得無欲得大富得極貴得官屬終生天上獲此五福語淳勿

憂宜用歡喜汝一飯佛而獲多報當知佛者不可不敬經法不可不學聖衆不可不事阿難白佛如恆比丘性弊戾急好罵數說佛泥洹後當如之何佛語阿難我泥洹後爲恆比丘作梵擅罰令衆默屏莫復與語彼當羞慙而自改悔

三

彼時佛勑賢者阿難施牀枕我背疾即施牀枕佛偃右脅屈膝累脚卧思至真正智之道於是佛語賢者阿難令說七覺意阿難言唯昔從佛聞一志念之覺佛用自覺成無比聖猗無爲止不婬捨分散意二法解之覺佛用自覺成無比聖猗無爲止不婬捨分散意三

精進之覺佛用自覺成無比聖猗無爲止不
姪捨分散意四愛喜之覺佛用自覺成無比
聖猗無爲止不姪捨分散意五一向之覺佛
用自覺成無比聖猗無爲止不姪捨分散意
六惟定之覺佛用自覺成無比聖猗無爲止
不姪捨分散意七行護之覺佛用自覺成無
比聖猗無爲止不姪捨分散意佛言阿難已
能言之宜必精進對曰唯能言者當精進如
是阿難彷行者得道疾佛起基坐思惟決意
有比丘說頌曰

甘露化從佛出
教以此勸後學
由佛典使我得
學當知正志念
一向專護定意
有疾者宜聞斯
是疾者爲法王
彼猶尚請聆法

勝上首明弟子
在聖哲猶不獸
若過時聞道備
如彼爲非愛喜
愛喜者一向法
已正止無聞想
衆行滅智已淳
願一切人天神
今聖師滅度後
尊時講誦法言

來問疾務聽真
何況餘欲廢聞
起他想心永異
佛之教無雜思
爲無爲心行寂
是名爲法解覺

自歸此三世尊
共學慈大道真
衆賢必紹教明
願神骨助化行

彼時佛勑賢者阿難汝於蘇連雙樹間施繩
牀令比首我夜半當滅度受教即施還白已

溢四

具佛到雙樹就繩牀側右脅而卧阿難在牀
後垂頭啼悵惻言一何歎哉佛取泥洹一何
疾哉世間眼滅我諸同志從四方來欲見佛
者望絕已矣佛難復覩難復得侍來而不見
皆當悲慕予何心哉佛問比丘阿難胡爲對
曰在後悲泣佛謂阿難汝莫啼也何則自汝

侍佛已來身行常慈口行亦慈心行亦慈恕
以施安念慮詳審有心於佛雖彼往昔過佛
侍者爲最供養不得踰汝亦彼當來及現在
佛之有侍者盡心供養不得踰汝何者汝達
於佛而知宜適若衆比丘每詣佛時可通見
者常得時宜若比丘尼及清信士清信女輩
每詣佛時可通見者常得時宜每衆異學及
諸梵志居士之輩來詣請現可通見者常得
時宜佛告諸比丘天下極貴轉輪聖王有四
難及自然之德何等四若其屬國諸刹利王
來親詣朝覲者聖王歡喜現爲說法皆樂聽
受遵承奉行是一德也若諸奉道梵志之輩
來親詣朝覲者歡喜引現爲之說法皆樂聽
受遵承奉行是二德也若諸理家居士之輩
來親詣朝覲者歡喜引現爲之說法皆樂聽
受遵承奉行是三德也若彼儒林異學之徒
來親詣朝覲者聖王輒現爲之說法皆樂聽
受遵承奉行是四德也

澄四

五

又此比丘賢者阿難亦有四美難及之德何
等四若諸比丘詣阿難所即歡喜與相見爲
說經法無不開解樂受奉行諸比丘尼諸清
信士諸清信女詣阿難所即歡喜與相見爲
說經法無不開解樂受奉行是其第一四德
復有四賢者阿難爲諸比丘比丘尼諸清信
士諸清信女說經法時心端言正無有二意
聞者恭肅寂然聽受以寂靜故阿難博識無
所忘忽是其第二四德復有四若諸比丘諸
比丘尼諸清信士諸清信女有不解經及法
律義以問阿難阿難即分別說皆得解釋出
後無不譽阿難者是其第三四德復有四佛
所等說十二部經賢者阿難皆諷誦念識傳
爲四輩弟子說如所聞無所增減亦未曾倦
是爲阿難第四四德爲難可及世間無比是
時有化比丘當佛前住佛言比丘避莫當吾
前賢者阿難白佛言我得奉侍二十五載不
自識有如此比丘無所開啓而直前者佛言

阿難是化比丘又若干劫爲大尊天致神妙有威德憂畏已除知佛期在夜半所以來者自今已後永不見佛故阿難言獨是天知佛當滅度耶佛言從拘夷城東西南北縱廣四百八十里諸天塉塞無空缺處皆憂歎騷擾不安其心念言佛滅度疾

賢者阿難問佛言近此左右有聞物大國王舍大國滿羅大國維耶大國佛不於彼般泥洹何止於此褊陋小城佛言阿難無謂此小王之都城長四百八十里廣二百八十里嚴好如畫城垣七重下基四層起高八尋上廣三尋皆作黃金白銀水精琉璃四寶瓦鑿其壁堞尉彫文剗鏤地集瓶甌及民室屋皆四寶成挾道自生長多鄰樹樹亦四寶其金樹者銀葉華實其銀樹者金葉華實水精琉璃樹亦如是微風動樹常出五音其聲軟悲如是其四神德也王每出遊布施興福恣人所五絃琴樹間浴池池邊集塹步清相承中四

卷六

寶臺臺陛欄楯屋壁牀机一切四寶池中常有雜種蓮華青蓮漚鉢紫蓮拘恬黃蓮文那紅蓮芙蓉四顧成行其邊道上又有七種奇華香氣馥芬冬夏常生五色光明其國常聞十三種聲象聲馬聲牛聲車聲螺聲鍾聲鼓聲貝聲儻聲歌舞聲諸絃樂聲誦仁義聲嘆諸佛尊行聲時有轉輪聖王名大使見王四天下以正法治自然七寶一金輪寶二白象寶三紺馬寶四神珠寶五玉女寶六理家寶七聖導寶王有四神德爲童孺時八萬四千歲爲太子時八萬四千歲爲轉輪王八萬四千歲退服法衣八萬四千歲凡壽三十三萬六千歲是其一神德也王能飛行遊四天下七寶導從所至臣屬是其二神德也端正美色強健少疾身中和適不寒不熱是其三神德也威神殊勝心常和悅明見正道以法化民是其四神德也王每出遊布施興福恣人所欲求衆與衆求食與食衣被車馬華香錢寶

不逆人意慈於民物如父愛子士民慕王如
子仰父王每出遊勑御徐行使國士民久得
視見體性淳仁四方太平又是其至德也所
部諸國凡八萬四千小王每朝覲時王大使
見皆請上殿歡喜安慰爲說正法問國所之
諸王答讓受天重賜自足爲樂王又勑使各

七
當

嚴所治令如我殿以正法化勿枉天民輒賜
諸王衣冠履襪車輶寶物受詔辭出莫不歡
喜是時大王所治法殿長四十里層階四重
悉黃金白銀水精琉璃屋壁欄楯柱梁楣櫨
粉撩棟宇其上覆及下地牀坐机筵皆是四
寶又法殿上有八萬四千交露輶棚悉施斗
帳金交露棚前施銀陛銀棚金陛水精琉璃
棚陛亦然其交露間垂華懸果四寶雜廁所
覆帳上金銀織成赤罽文繡綾綺雜色四角
珊瑚交露中施四寶獨座其殿四面浴池各
縱廣一由延挾池生多鄰樹八萬四千株長
一由延諸交露棚大王出者即以駕象彼時

快見以其所有施福甚衆日且常請沙門梵
志上殿飯食王自思念日月流逝而吾將老
當用是五所欲寶館作等欲自挹損修清淨
行即但與一侍士俱升法殿入金交露坐銀
御牀思惟天下貪婬無奇生者要死形骸歸
土所有萬物一切無常王起入銀交露坐金

御牀念合會者皆當別離戀慕無益當棄恩
愛淨修梵行已又起入水精交露坐琉璃牀
自念當與老病死競改心易行除姪怒癡思
無爲道已又起入琉璃交露坐水精牀專自
精思當棄世間貪欲惡法思無爲道守惟清
淨成一禪行如是至久周遍諸棚於是八萬
四千玉女共白第一玉女寶言天后所知我
等聞者未復親侍守情執敬願欲朝見答言
諸婢還自嚴飾當俱朝見即告聖導我等婦
女久未親侍敬仰之心皆欲朝見尊臣即駕
八萬四千象犀甲金飾絡用寶珠白象王朱
驥尾爲第一八萬四千馬犀甲金飾絡用寶

珠力馬王紺青身朱驪尾爲第一八萬四千車犀革之甲飾用四寶聖導臣爲第一八萬四千女女載一車玉女寶爲第一諸玉女導從詣法殿下侍士白言諸象馬舉棚郡國小王婦女皆來欲見王勑侍士施牀殿下王下法殿見八萬四千女服飾靡麗時民歎曰是難言也

濟四

八

王者嚴女乃至於此玉女對曰我等久違不得親侍故嚴服來願得朝見

於是王坐諸女皆前贊首畢一面坐玉女寶首白言今是一切諸象馬車玉女小王自天所有願小願意留心娛志又八萬四千國天王都爲第一八萬四千棚大正棚爲第一願

天留意以養性命王答曰姊吾所以夙夜約已自損正心行慈者但欲遠離此貪欲耳何則女人嫉妒之態殃及吾身是以捨欲願離斯咎玉女寶垂淚言天王何爲獨割愛欲謂我爲姊離乖恩情絕群女望願聞天王所以戒之正心行慈爲之奈何我等亦願相率修

之王曰慈心正行不墮諸漏棄捐貪欲修德守靜念生日少而命逝疾人物輩非常唯道爲真吾是以於諸象馬舉棚郡國小王婦女愛欲一切遠離不復繫意欲自愛身觀天地間無生不終諸姊各宜正心行慈無以放恣墮諸漏也玉女寶乃杖淚言今天王約已自捨不欲墮漏念生日少而命逝疾潛居憂身守修清淨計諸人物無生不終遠遂所有不以汙意願奉明戒不敢有忘王以慈心答謝諸女皆遣去還升法殿入金交露坐念慈心都忘怨恨無所嫉惡進思大道無量德行普慈卅間而自約省己復起入銀交露棚坐合

濟四

九

悲心都忘怨恨無所嫉惡進思大道無量德行普悲世間而自約省己復起入水精交露坐念喜心都忘怨恨無所嫉惡進思大道無量德行普和卅間而自約省己復起入琉璃交露坐念護心都忘怨恨無所嫉惡進思大道無量德行一切欲讓而自約省己惟行此

四大梵行却愛欲意多修清淨王行如是便得自在死時安隱身無痛痒譬如力士美飯一食之頃魂神逝世第七梵天時轉輪王大快見者則故出我身也如是阿難誰能知此昔我宿命作轉輪王自然七寶行正法有四德常能不貪彼時拘夷城傍行四百八十里皆在天王城中吾前是時又為刹利王已六投骨於此地中并彼為七今得作佛已斷生死從是已後不復造身我亦一切皆已周竟現於東方南方西方北方隨方教化三月輒移終厝骨此

賢者阿難白佛言佛滅度後當作何葬佛言

禮事是為轉輪王之葬法也佛勅阿難汝行入城告諸華氏佛中夜當滅度所欲施作當勉時為無從後悔欲面從佛得開解者宜及是時即受教行入拘夷城見五百諸華氏慕會議語阿難報諸尊者佛夜半當滅度所欲施作當勉時為無從後悔欲面從佛得開解者宜及時行衆人皆驚而悲歎言何其太駭佛泥洹何其太疾出間眼滅哀慟之聲聞于宮中王遣太子并諸華氏各將家屬俱詣雙樹到白阿難欲前禮問阿難入啓太子阿晨與諸豪姓家屬俱來受三自歸不遠是夜佛請入即_潛前稽首畢一面坐太子言佛身滅

汝默梵志居士自樂為之又問梵志居士為葬法當云何佛言當如轉輪王法用新劫波育貝綿纏身體已以五百張疊次如纏之內身金棺灌以麻油澤膏畢舉金棺置於第二大鐵櫈中衆香積上而闔維之訖斂舍利於四衢道立塔起廟表刹懸繒奉施華香拜謁

名譽遠聞生天安樂可得泥洹佛說已太子及諸華氏皆作禮去於是王與國中男女大小十四萬衆以人定時出詣雙樹到白阿難請見受誨前啓佛請入王將國中賢善者進稽首畢一面坐前無燈火佛放頂光照二千里佛言勞苦大王與群臣來王曰佛當滅度有何勑誠佛報王自我得佛四十九歲所說經戒一切具悉王國賢才皆已採取王與群臣慘然皆悲佛告王自古已來天神人物無生不死死而不滅唯泥洹使王胡爲帝但當念善改往修來以政治國無加卒暴厚待賢良赦宥小過務行四恩以綏衆心何等四一當布施給護不足二當仁愛視民如子三當利人化以善政四當同利與下共歡王如是者常得其福我宿命時行此四恩積無數世故得作佛初得佛已見泥洹喜自說頌曰今覺佛極尊 捨姪淨無漏 智爲天人導從者得喜豫 夫福報至快 妙願志皆成

澄四

十一

勇疾得上脫 吾將逝泥洹
王與來者皆起禮佛遶三匝而去
是時城中有老異學年百二十名曰須跋聞佛夜半當取滅度自念吾有法望之疑常願瞿曇一解我意當及是時即起自力行到雙樹白阿難言吾聞瞿曇期在夜半請見決疑阿難言止止須跋無擾佛也須跋固請至再三曰吾聞佛爲如來至真正諦覺明行成已善逝世間解無上士道法御天人師号佛衆祐甚難遭值如漚曇華百千萬世時時一有願一見折所疑阿難以爲勞擾如來故不欲通佛神心徹聽清淨過人從裏知之即勑阿難勿禁止聽使入是爲最後當度異學須跋者也須跋得入忻然悅豫善心生焉見佛歡喜禮問恭辭氣重揖讓畢一面住白佛言欲有所問豈有閑暇一決其疑佛言便問恣汝所欲聞可得解須跋問曰今世學者各自稱師有古龜氏有無失氏有志行氏有白鷺子

氏有延壽氏有計金樊氏有多積願氏有尼
捷子彼八子者有所述乎自知之也佛告須
跋彼與佛異子曹自作貪生猗想以邪之道
一曰邪見不知今世後世所作自得好以卜
占享祀求福二曰邪思念在愛欲有諍怒心
三曰邪言虛偽謗諛佞讒綺語四曰邪行然
生貪取有姪泆意五曰邪命求利衣食不以
正道六曰邪治惡不能止善不能行七曰邪
志志貪常樂痛身謂淨八曰邪定專意所望
不見出要如是須跋昔我出家十有二年道
成得佛開說經法經五十載自從捨家有戒
有定有慧有解得度知見說正道者唯佛沙
門非凡異也吾本所履有八真道第一沙門
亦從是得二三至四皆從是成若不見此八
真道者彼爲不得沙門四道所謂八真道者
福爲正見見今世後世作善有福爲惡得殃
知苦知集滅行得道二爲正思思樂出家去
諱怒心三爲正言言諦至誠柔軟忠信四爲

齋

十三

正行不然不邪無有姪心五爲正命求利衣
食以道不邪六爲正治抑制惡行發起善意
七爲正志志惟四觀身痛意法解非常苦非
身非淨八爲正定一向無爲成四禪行沙門
梵志覆此八正乃成四道能師子吼我賢弟
子行無放逸世間意滅故得羅漢於是須跋
謂阿難言快哉賢者是利弘美實未曾有蓋
上弟子得值此者不亦妙乎今受聖恩乃聞
是法願得捨家受成就戒阿難白佛異學須
跋願受衆祐自然法律捨家就戒沙門之行
佛以可其就戒之志曰是吾末後得證見淨
者異學須跋也即授戒爲比丘一心受不放
逸以健制以志惟以斷却如所欲下鬚髮被
袈裟以家之信離家爲道得法意具淨行自
知作證成解究暢爲行如應已意通知賢者
須跋已度世得應真坐自念吾不能待佛般
泥洹便先滅度而佛後焉

彼時佛告諸比丘我滅度後儻有如此外學

他術在異生蓋欲棄束髮來踐法者沐浴清化捨家就戒當驛可據以爲沙門何則用彼有大意故當先試之三月知能自損用心與不若言行相應者爲能捨罪先授十戒三年無失乃與二百五十戒其十戒爲本二百四十戒爲禮節威儀能行此者諸天代喜又允

澄四

十三

悌望受律就戒作沙門者有四因緣皆有慕樂近道之意我滅度後或離縣官求作沙門或年老耆來作沙門或貧困劣求作沙門或習正行求作沙門若夫賢才習正耆老貧困及離縣官來爲道者其於衣食趣得而已受誦法言如有梵行可得久住猶爲從是令多人安多人得度卅間得依利諸天人是故曰從法者現世得安現世得解當善諦受彼爲何法令現世安得解度者謂佛所說十二部經一文二歌三記四頌五譬喻六本紀七事解八生傳九廣博十自然十一道行十二兩現是名爲法若以奉持護如法者即現世安

可得解度但當諦受護持諷誦正心思惟令清淨道得以久住汝諸弟子當自勗勉無以懈慢謂佛已去莫可歸也必承法教常用半月望晦講戒六齋之日高座誦經歸心於經令如佛在又族姓子族姓女所當追念爲有四事一曰佛爲菩薩初下生時二曰佛始得道妙正覺時三曰上頭說經轉法輪時四曰棄所受餘無爲之情般泥洹時當論思此念佛生時福德如是佛得道時神力如是轉法輪時度人如是將滅度時遺法如是次中末時有思念此起意行者皆生天上若以受此而有疑望非意在佛及法聖衆苦集盡道汝諸比丘當解所問令如我在爲以是語面所問佛亦真弟子自所問吾及從我解說之賢者阿難在後扇佛應曰唯諾皆已願樂無一比丘有疑非意於佛法衆四諦者也佛語阿難其已願樂如來正化於佛法衆苦集盡道無所疑者當棄貪欲慢惱之心遵承佛教以

精進受嘿惟道行是爲最後佛之遺令必恭順之汝諸比丘觀佛儀容難復得覩却後一億四千餘歲乃當復有彌勒佛耳難常遇也天下有纏曇鉢不華而實若其生華則世有佛佛爲世間日恒憂除衆冥自我爲聖師年至七十九所應作者亦已究竟汝其勉之夜

澄四

十四

已半矣

於是佛作一禪定思惟通第一禪又起二禪定思惟通第二禪又起三禪定思惟通第三禪又起四禪定思惟通第四禪又起空無際定思惟通空無際又起識無量定思惟通識無量又起無所用定思惟通無所用又起不

想入定思惟通不想入又起想知滅定思惟賢者阿那律說頌曰
通想知滅是時阿難問阿那律佛已滅度耶
答言未也佛方思念想知滅定思惟阿難言
昔聞佛說從四禪思惟至於無知棄所受餘
無爲之情乃般泥洹時佛捨想知滅還思不
莫不蒙恩澤今已淪清虛求乞時復出
想入捨不想入思無所用捨無所用思識無

量捨識無量思空無際捨空無際思第四禪捨於二禪思第一禪從一禪思復至三禪便從四禪反於無知棄所受餘泥洹之情便般泥洹當此之時地大震動諸天龍神墮塞空中散華如雨莫不歡慕而來供養時第二天帝

釋下說頌曰

陰行無有常但爲興衰法生者無不死

佛滅度最樂

第七梵天下說頌曰

妙哉佛已棄一切世間猗廣爲清淨教
三界中無比神真力無畏光明滅於茲

澄四

賢者阿那律說頌曰

佛已無爲住不用出入息本由自然來
靈耀於是沒意淨無所著爲人受斯疾
施慧教已遍乃退歸寂滅惟茲遇佛者
是時諸比丘皆騷擾徘徊呼言駛哉佛般泥

洹一何疾哉世間眼滅中有憂歎自悲念世間苦不得是道中有尸視惟心猗有從因緣起以作復作受非常苦生輒有死死則復生死往來精神不滅莫致是處賢者阿那律言止止阿難曉衆比丘上天見此以爲荒迷安有捨家入自然律而不能用法利自解阿難拭淚而問上有幾天答曰從威耶越至洹茶廟及熙連河四百八十里諸天充滿無有空缺徘徊騷擾皆言駛哉佛般泥洹亦大疾哉世間眼滅中有憂歎自悲念世間苦貪欲所蔽不見斯道或相曉言佛說生死本從緣起意作復作受非常苦生輒有死死則復生

難盡法云何答如教說轉輪王法佛當復勝諸豪姓言寧可假期七日欲奉妓樂華香燈燭展我曹心阿難答言恣聽所欲諸華氏耶共作黃金冕黃金舉牀黃金棺爲鐵櫬具新劫波育具綿五百張蓋是時四面人衆周滿四百八十里中皆賚妓樂華香來詣雙樹共舉佛身置黃金牀上而以妓樂禮事供養於是諸華氏選衆童男使扶持舉牀欲至洹茶神地如闍維之而諸童子不能得前近佛舉牀又復更進至于再三了不得持賢者阿那律語阿難言所以不得舉佛牀者是諸天意欲使諸華氏童子倚牀左面諸天右面國人隨後共舉牀入東城門過往城中施天樂供養訖出西城門置溫茶地累積衆香乃闍維之阿難言諾敬如天願以告諸華氏皆曰聞之莫不驚愕踊躋悲言何其駛乎佛般泥洹何其疾乎世間眼滅舉城中相會聚奉持華香詣佛舍利誓首作禮承事供養共問阿

婆賢大臣與拘夷大臣議欲以人樂讚紹天
樂俱送舍利即如所議徐行入東城門周遍
地中四衢道里巷處處住施華香妓樂出西
城門到溷荼地持劫波綿纏佛身體五百張
毘次纏千過麻油澤膏灌滿金棺已內佛身
舉黃金棺置鐵櫈中匣藏既殯積衆香畢漚
蘇大臣執火而欲然佛積火至輒滅三進不
然賢者阿那律語阿難言火所以不然者是
諸天意見大迦葉將五百衆從波旬來已在
半道欲面禮佛故使火不然耳阿難言諾敬
如天願是時有異道士名阿夷維見佛滅度
得天曼那羅華去至半道迦葉見之就車問
子知我所事聖師佛乎即答言我舉知之般
泥洹已七日天人普會供養其身吾從彼來
得此天華於是迦葉悵然不樂五百比丘中
有徘徊騷擾仰天呼怨佛般泥洹其何一疾
世間眼滅中有憂歡悲傷念世間苦爲恩愛
縛不見斯道迦葉曉言諸賢者釋憂當知有

澄四

十七

身皆從緣起心作復作致非常苦生者輒死
死則有生五道無安唯泥洹樂未得道者當
求法利捨有爲無所會則得矣攝衣疾行可
見佛身其衆中有名桓頭者亦釋家子與佛
同出止諸比丘言何爲復憂我曹從今已得
自在彼老常言當應行是不應行是今彼長
逝不甚佳耶迦葉不悅行到雙樹至覩佛積
謂阿難言及未聞維請見佛身阿難對曰佛
身已纏淹用麻油藏在金棺外積衆香而灌
澤膏雖未聞維固已難見迦葉請至三阿難
答如初以爲佛身難復得見於是佛屍從重
棺裏變出兩足一切見者莫不歡喜迦葉誓
首作禮見佛足出而有異色仰問阿難佛身
金色是何故異

阿難答言有羸老母誓首佛足墮淚其上故
異色耳大迦葉又不悅乃喟然讚頌曰
彼爲滅不生 不復受老死 亦爲不復會
無有相逢憎 本已捨恩愛 不爲別離憂

當爲求方便 令致得是處
已斷不復有 亦又不爲爲
苦爲已畢盡 有本亦已除
令得如是安 佛已斷世間
亦爲悉能忍 得離諸患難
亦致天下安 當爲誓首是

佛所說經戒 為世間最明
審諦無所疑 亦遍活天下
諸得值佛者 誰不受弘恩
爲除陰冥闇 如日照於晝
亦如電光現 為暫照厚雲
都已明三界 永得度三界

比丘比丘尼清信士清信女天龍鬼神王天
樂神質諒神金翅鳥神愛欲神蛇軀神各前
稽首佛足遶積三匝一面住畢於是佛積不
受欲一切解 燒自然賢者阿難時說頌曰
佛以中外淨 為梵世之身 本乘精神下
而今厝於是 綿纏颯千過 不用衣著軀
亦不以浣濯 如一淨鮮明

已廣現正道 令得度老死
譬月照於夜 能使天下明
一切所名河 佛明一時出
無過崑崙河 大殿上共作妓樂散華燒香禮事供養時波
一切各大水 佛明一時出
月爲第一明 無過崑崙河
佛所以度世 神州國諸梵志維耶國諸離捷聞佛止雙樹
在在悉分明 納泥洹各嚴四種兵象兵馬兵車兵步兵到
令天人鬼神 神州國諸梵志維耶國諸離捷聞佛止雙樹
迦葉說已贊首佛足遶積三匝却住一面諸
龍敬承行禮 佛爲世間導
一切星宿中 天上天下尊
佛爲世間導 所說教誠行
所說教誠行 拘夷止城外遣使者言聞佛衆祐止此滅度
還本土立起塔廟拘夷王言佛自來此我當
供養遠苦諸君舍利分不可得赤澤國諸釋

氏亦嚴四兵來到報言聞佛衆祐止此滅度
是釋聖雄出自自我親實我諸父敬慕之心來
請骨分還立塔廟王答如初不肯與分摩竭
王阿闍世又嚴四兵度河津來使梵志毛釐
入問消息致慰勸言吾本夙夜信心友汝無
取無諍今佛衆祐止此滅度是三界尊實我

登四

十九

所天敬慕之心來請骨分汝其與我則我與
汝所有重寶願終共之王答曰佛自來此我
當供養謝汝大王舍利分不可得也於是毛
釐聚衆人作頌告言

今各選躬遠來拜首謙遜求分如我不與
舉止動衆四兵在此義言不用必命相抵

拘夷國人亦答頌曰

遠勞諸君辱屈拜手佛來遺形不敢相許
如欲舉衆吾斯亦有俱命相抵則不爲恐
梵志毛釐曉衆人言諸君皆夙夜承佛嚴教
日誦法言心服仁化一切衆生尚念欲安且
佛大慈故燒形遺骨欲廣祐天下何宜當爲

毀本慧意舍利現在但當分耳衆咸稱善皆
詣舍利稽首畢一面住乃共使毛釐分之於
是毛釐持一毘受石許竈塗其裏分爲八分
已白衆言吾旣敬佛亦嘉衆意願得著毘舍
利歸起塔廟皆言智哉是爲知時即共聽與
又有梵志名溫違白衆人言竊慕善意乞地
焦炭歸起塔廟皆言與之後有衡國異道士
求得地灰於時八國得佛八分舍利各還起
塔皆甚嚴好梵志毛釐種邑道人大溫違還
俾賁邑衡國道士得地灰歸皆起塔廟舍利
八分有八塔第九毘塔第十炭塔第十一灰
塔佛從四月八日生四月八日捨家出四月
八日得佛道四月八日般泥洹皆以沸星出
時此時百草華英樹木繁盛佛已般泥洹天
下光明滅十方諸天神莫不自歸佛

既分舍利又爲遠方諸四輩弟子未悉聞故
留九十日乃起塔廟諸來國王豪姓人民家
屬僕從皆齋戒九十日在所遠方四輩弟子

衆普會拘夷共問阿難於何起塔阿難答言當出去城四十里於衛致鄉四衢道中作塔廟拘夷豪姓共作瓶瓦石塹縱廣三尺集用作塔高及縱廣皆丈五尺藏黃金冕舍利於其中置立長表法輪拌蓋懸繒然燈華香伎樂禮事供養舉國人民得共興福大迦葉阿

燭

+

那律衆比丘會共議一日三十萬衆及諸國豪姓群臣得值佛時敬意行福終皆當生第四天上與弥勒會而得解脫拘夷國王當生第十二水音天上至弥勒作佛時當下爲佛造立精舍勝今給孤獨園阿難問大迦葉拘夷王何以不於弥勒佛求應真道答言是王未厭生死苦故未厭苦者不得應真阿難言我已患厭身苦不得離出間奚不得道迦葉答言汝但持戒不行身觀坐猗生死有飯食想而生死行未休故也至九十月大迦葉阿那律衆比丘會共議佛十二部經有四阿含獨阿難侍佛久佛之所說阿難悉諷當從書

受恐其未得道尚有貪心欲持舊事詰責阿難與設高座三上三下如是者可得誠實皆言大善衆會坐定直事比丘逐阿難出須臾又請阿難入禮衆僧未得道者皆爲之起直事比丘處著中央高座於是讓言此非阿難座衆比丘言用佛經故處汝高座欲有所問阿難就座衆僧問曰汝有大過寧自知不昔者佛言閻浮提汝奚不對直事比丘勒阿難下即下對言佛爲不得自在當湏我言耶衆僧默然直事比丘又令阿難上衆復問曰佛爲汝說得四神足者可止一劫有餘汝何以默阿難下言佛說弥勒當下作佛始入法者應從彼成就設自留者如彌勒何僧又默然阿難心怖衆比丘言賢者當如法意具說佛經對曰唯然如是三上阿難最後上言聞如是一時座中未得道者皆垂泣言佛適說經今何以疾大迦葉即選衆中四十應真從阿難受得四阿鎔一中阿鎔二長阿鎔三增

一阿鎗四雜阿鎗此四文者一爲貪姪作二
 爲喜怒作三爲愚癡作四爲不孝不承事師
 作四阿鎗文各六十疋素衆比丘言用寫此
 四文當興行於天下故佛闍維處自生四樹
 遂相檢歛分別書佛十二部經

戒律法具其在千歲中持佛經戒者後皆會
 生弥勒佛所當從彼解度生死漏

佛說泥洹經卷下

澄四

腆美上他典及攷音匱反求位
 上乃黨反彷徉上步忙反詬活友
 容反舒懌亦下音誕高延猗於離
 併玷點聆靈音忼懌二何朗反騷擾上麻
 免必城垣一下音園刻鑄上音克齧既
 擊陛蕭米欄楯時尹反渙烏侯拘悟音
 添俱下徒馥芬上音蠻螺貝博帶一
 隅二音余預楣櫨上音眉粉捺上音
 反鄧挹損訛音形骸皆下戶羣西枝
 涼粉反萌

方等泥洹經卷下

醫

禁

潛在監 辟音養 厥子故 柳郭音 放宥右音 閑暇下音
 下諫詔朱反 伎詭上羊反 謂下助衛反 昂勉上許定反 曲反 驚愕上
 各反 金鑿耕下衡反 淹衣鹽噴苦 怪翅惟施 智施

責

下彼義反

蹙

居月綺大方物反

鞬

丁兮反

舉

預音俾